

Tuzla, 25.04.2023.

Protokol br. KP-I- 172/23;

Br. Javnog poziva: 4 – FP – 1/2023

PROGRAM PODRŠKE RAZVOJU ZAJEDNICE

Fond za poduzetništvo

Javni poziv za podršku razvoju prihodovnih aktivnosti domaćinstva i podršku start-up poduzetnicima sa područja MZ Kiseljak (Grad Tuzla)

Fondacija tuzlanske zajednice (FTZ) poziva zainteresovane građane/ke sa područja MZ Kiseljak (Grad Tuzla), koji žele pokrenuti vlastiti ili porodični biznis ili prihodovnu aktivnost, kao i unaprijediti svoje poduzetničke vještine kroz neformalnu edukaciju, da se prijave na ovaj javni poziv **do 08. maja 2023.**

Poziv se realizuje u okviru projekta „**Inkluzivni razvoj zajednice Kiseljak, za unaprijeđenje socijalno ekonomskog aspekta života građana, posebno Roma**“, kojeg implementira FTZ uz partnersku saradnju Freudenberg fondacije i finansijsku podršku Njemačkog saveznog ministarstva za vanjski razvoj (BMZ).

Cilj programa je doprinijeti poboljšanju uslova za zapošljavanje i samozapošljavanje nezaposlenih osoba iz ranjivih kategorija, posebno žena i mladih kroz jačanje poduzetničkih kompetencija učesnika kako bi ih osposobili za pokretanje malih biznisa i razvoj prihodovnih aktivnosti domaćinstva.

Prijavom na poziv, zainteresovani kandidati/kinje stiču pravo na:

- **Jednomjesečnu obuku** iz oblasti poduzetništva i poslovnog planiranja u periodu maj -juni 2023.godine
- **mentorsku podršku**; FTZ će osigurati i stručnu mentorsku podršku svim polaznicama obuke, a kandidati i kandidatkinje koje dobiju finansijsku podršku će imati na raspolaganju i mentorsku podršku u prvim mjesecima razvoja svoje prihodovne aktivnosti ili preduzeća;
- **stručnu obuku** za kandidate koji se bave neregistriranom prihodovnom aktivnošću domaćinstva (stočarstvo i poljoprivreda) u period maj/juni 2023.
- **finansijsku podršku** za realizaciju svog poduzetničkog poduhvata, i to:
 - do 3.500,00 KM za prihodovne aktivnosti domaćinstva ili
 - do 5.000,00 KM za pokretanje registrovane poslovne aktivnosti.

Ko se može prijaviti?

EDUKACIJA

- Punoljetni građani/ke sa područja mjesne zajednice Kiseljak koji nemaju formalno registriran biznis i koji planiraju pokrenuti vlastiti biznis, i koji žele unaprijediti svoje poduzetničke vještine i kompetencije
- Punoljetni građani koji žele pokrenuti prihodovne aktivnosti domaćinstva (stočarstvo i poljoprivreda), a za koje posjeduju osnovne uslove
- Punoljetni građani koji se bave sakupljanjem sekundarnih sirovina u momentu objave poziva, pod uslovom da su:
 - spremni doprinijeti zaštiti okolišta



- spremni da učestvuju u organizovanom odvozu neželjenog otpada;
 - spremni da obezbijede rješenje o oslobađanju od registracije poslovne djelatnosti (koje izdaje Ministarstvo prostornog uređenja i zaštite okoliša, a za čije obezbjeđenje će FTZ osigurati administrativnu podršku).
- Građani/ke koji imaju registrirani biznis na području MZ Kiseljak, koji nije stariji od 18 mjeseci i koji nije ranije dobio podršku iz ovog programa,
 - Za učešće na edukaciji se mogu prijaviti i punoljetne osobe iz drugih mjesnih zajednica sa područja Grada Tuzla, pod uslovom da svoje poduzetničke poduhvate žele realizovati na području MZ Kiseljak, te pružiti mogućnost zapošljavanja korisnika iz ranjivih grupa sa područja mjesne zajednice Kiseljak.
 - Građani/ke koji su u periodu realizacije projekta pohađali edukaciju(2021 i 2022 godine) nisu obavezni ponovo slušati edukaciju ali su se obavezni prijaviti, te provjerom njihovog prisustva edukacijama (prisustvo na minimum 75% edukativnih radionica) bit će oslobođeni ponovnog prisustva.

FINANSIJSKA PODRŠKA

Pravo podnošenja zahtjeva imaju učesnici edukacije koji su:

- Prisustvovali na minimum 75% edukativnih radionica i koji žele pokrenuti prihodovnu aktivnost domaćinstva ili žele pokrenuti registrovanu poslovnu aktivnost
- Osigurali osnovne uslove za pokretanje prihodovne aktivnosti i/il osigurano vlastito učešće.
- Korisnici koji su u periodu realizacije projekta pohađali edukaciju i bili prisutni na minimum 75% edukativnih radionica (2021 i 2022) i koji žele pokrenuti prihodovnu aktivnost domaćinstva ili žele pokrenuti registrovanu poslovnu aktivnost

Detaljne kriterije za finansijsku podršku možete pogledati na web stranici Fondacije.

MENTORSKA PODRŠKA

Učesnici/e edukacije će imati priliku svoju ideju razvijati direktno na edukativnim radionicama pri čemu će pored savjetodavne podrške predavača imati i podršku stručnog mentora/ice.

Učesnici/ce edukacije, u procesu razvijanja svog biznis plana, imaju pravo na:

- 1 zajedničko savjetovanje sa mentorom (sastanak 2 h)
- 1 individualno savjetovanje sa mentorom (sastanak 1h)
- 3 uvida u biznis plan (sugestije putem e-maila)
- po potrebi savjetovanja putem telefona ili uvid u biznis plan (sugestije putem e-maila)

Termine savjetovanja aplikanti će dogovoriti direktno sa odabranim mentorima. Oni kandidati koji dobiju finansijsku podršku, dobit će i mentorsku podršku u oblasti marketinga, finansija, plasmana proizvoda i sl. u prvim mjesecima pokretanja preduzeća ili razvoja svoje prihodovne aktivnosti.

Dodjela grantova

Nakon edukacije, stručna komisija će izvršiti procjenu dostavljenih biznis planova i zahtjeva, te na osnovu kvalitete ideje i poslovnog plana, kao i spremnosti i odgovornosti kandidata odabrati najbolje biznis ideje i zahtjeve za unapređenje prihodovne aktivnosti. Komisija će procjenjivati sljedeće kriterije: prisustvo na obuci, motivaciju i kapacitet poduzetnika, inovativnost biznis ideje, utrživost proizvoda/usluge, osigurano vlastito finansijsko ili drugo učešće u skladu sa potrebama poslovne ideje (u vidu raspoloživog zemljišta, potrebnih objekata i sl), održivost biznisa i kvalitet biznis plana.



Vremenski okvir

Edukacija će biti organizovana u periodu od maj/juni 2023. godine. Odabrani kandidati/kinje bit će blagovremeno obavješteni o tačnom rasporedu edukacija. Zahtjev za finansijsku podršku kandidati/kinje koje prođu edukaciju trebaju predati najkasnije 11 dana nakon završetka edukacije (najkasnije do 06.06.2023.god), a dodjela sredstava za najbolje poslovne planove i potpisivanje ugovora sa dobitnicima će se realizirati najkasnije do septembra mjeseca 2023. godine.

Prijave i kontakt

Sve zainteresovane osobe trebaju iskazati interes dostavljanjem popunjenog obrasca prijave na mail adresu **albina@fondacijatz.org** najkasnije **do 08. maja 2023.godine**.

Prijavni obrazac možete preuzeti na web stranici Fondacije tuzlanske zajednice. Prijave je moguće dostaviti i popuniti lično i u Društvenom centru Kiseljak svaki radni dan od 09:00 – 12:00h. Dodatne informacije na broj **035 382 325**. Kontakt osoba je Albina Beganović.



Azra Isanović
Azra Isanović

Koordinatorica programa finansijske podrške
Fondacija tuzlanske zajednice